



**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

309. Coadjutoria num favorabilis an odiosa.

---

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

**G**ratia merito competit. Quin & vocatur gratia preventiva; quia Papa sic providens dicitur prævenire vacationem. Tondut. in qq. benef. p. 2. c. 1. §. 13. Remouch. loc. cit. Unde &

3. Dicitur secundum in gratiam utriusque, hoc est, tam Coadjutoris quam Coadjuti. Neque enim in odium hujus datur; nam si contigerit officiatum aut beneficiatum qualemcumque se male gerere in officio vel beneficio, vitam agere turpem aut scandalosam, præviisque monitionibus ac correctionibus salutaribus perseverare incorrigibilem, non Coadjutor, sed pravia depositione judiciali successor absolutus & pleno jure subrogari jubetur à Tridentino sess. 2. i. 6. de reform.

4. Dicitur tertio: *Vel tantum in supplementum alterius persona idonea*; quia definitur Coadjutoria in genere, comprehendendo quoque Coadjutoriam simplicem absque futura successione, qua non tam in gratiam utriusque quam solius Coadjuti subsidium conceditur, adeoque particula illa taxativa respicitur. Remouch. loc. cit. n. 6.

5. Dicitur quartò: *Certo officio administrando in idonea*. quia, sive officium sit publicum, ut Episcopatus, aut prefectura secularis; sive privatum, ut Canonicatus, simplex beneficium, vel aliud simile, debet tamen ei inesse onus aliquod aut cura, ut Coadjutoria sit locus. Remouchamps. loc. cit. n. 7. Ne tamen vel hinc excludi videantur Coadjutoria eorum, qui, quia nullum beneficio suo officium annexum habent, Coadjutoris operæ non egerint, sit idem Author n. 8. sufficere, si onus aut officium habituale seu in habitu annexum habent. Unde & istiusmodi onus habituale pro causa finali hujus gratia in Bullis Pontificum soleat adjici; adeoque Coadjutor talis possit habitu sublevare. Cetera, quæ ad ulteriorem definitio- nis data elucidationem requiri videbantur, & spectant Coadjutoria causam efficientem, materialē, formalem, & finalem, patrebunt ex deinceps dicendis.

### Quæstio 308. Coadjutoria quotuplex sit?

1. **R**esp. Coadjutoria sic generaliter accepta dividuntur primo ratione materia, nempe temporalis & spiritualis, in tempore, hoc est, secularē, & ecclesiasticā; illa datur ob inidoneitatem, insufficientiam & nimiam remissionem Principum vel administratorum secularium. Cujus exemplum exstat c. 2. de suppl. negl. Prelator, ubi Bonifacius VIII. circa annum 1200. prescribens ad status & subditos regni Portugalie, attentā Regis in administrando hoc regno negligentiā, de gratia ob respectum Regium pro illius & regni utilitate, nec non ad defensionem Ecclesiarum, Clericorum, viduarum & ceterorum subditorum dat Regi Coadjutorem Comitem Bolonensem ejusdem fratrem, mandando Baroniis & aliis quibuscumque vasillis & subditis illi honorem & obedientiam deferre. Hæc verò datur propter inidoneitatem & insufficientiam Prælatorum, & administratorum ecclesiasticorum, & de hac unice, relictis Coadjutoriis illis temporalibus, agendum nobis deinceps. Potest etiam Coadjutoria Ecclesiastica subdividi ratione materia in tempore, & spiritualē; quarum illa detur ob Prælatorum ecclesiasticorum inidoneitatem & insufficientiam respectu administrationis in temporalibus, hæc ob insufficien-

tiam eorundem quæ ad rerum spiritualium administrationem. Remouch. loc. cit. c. 4. n. 1. & 2. Poteritque Coadjutoria hæc, prout utramque hanc speciem comprehendit, sic breviter definiri ex Castropal. tract. 13. de 1. p. 9. Quod sit facultas alicui concessa adjuvandi beneficiatum in beneficii regimine; tam enim administratio bonorum seu fructuum temporalium spectantium ad beneficium, quam onerum & officiorum spiritualium eidem incumbentium venit nomine regiminis beneficii.

2. Secundum principaliter dividitur Coadjutoria ratione temporis & formæ in tempore, qua datur ad tempus, nimis ut impedimento Coadjuti durante sine futura successione; & in perpetuam, seu qua datur cum futura successione, sive quæ ita datur, ut quamprimum Coadjuti beneficium per illius cessum aut decesum vacaret, in eodem succedat Coadjutor. Barbos. Jur. eccl. l. 3. c. 10. n. 1. Remouch. loc. cit. c. 4. n. 3. & 4. Ventrigl. tom. 2. annot. 13. §. unic. n. 2. Castropal. loc. cit. Nicolartz. loc. cit. §. 3. Garc. de benef. p. 4. c. 5. n. 2.

3. Differt hæc Coadjutoria perpetua ab illa temporali per hoc solummodo, quod qualitas futurae successionis adjecta literis coadjutorialibus tanquam pars formæ determinante rei, & sic constituant aliam speciem. Remouch. loc. cit. n. 5. Cum de cætero tam hæc quam illa extinguitur per cessationem vel decesum Coadjuti: ac proinde hæc dicitur perpetua; noui quod in hac ratione formaliter durare pergit ultra vitam Coadjuti, sed respectivè ad regimen ejusdem beneficii, quatenus illud extinto Coadjuto continuat; ita tamen, ut quod vivente Coadjuto non gerebat jure, habitu & potestate; sed ipso facto, ut Castropal. loc. cit. deinde eo defuncto gerat jure & nomine proprio tanquam titularis & proprietarius beneficii. Differt item ab ea differentiâ quasi extrinsecâ desumptâ à fine seu motivo illam concedendi, dum deputatio Coadjutoris temporalis sit ob solam Ecclesiæ utilitatem, qua utilitas, quia cessat per obitum Prælatori seu Rektoris, succedente in illo beneficio alio non insufficiens aut inidoneo illius regimini, cessat & ipsa hæc Coadjutoria temporalis. Deputatio verò Coadjutoris cum futura successione fiat non solum ob utilitatem ecclesiæ, sed etiam pro utilitate provisi. Tondut. in qq. benef. p. 2. c. 1. §. 13. n. 1. & 2. Unde jam explicitè Coadjutoriam perpetuam sic definit Remouch. loc. cit. c. 2. n. 10. quod sit gratia, quæ Papa vel superior ecclesiasticus, seu uterque subordinatus deputat personam idoneam in sublevamen alterius beneficiari inidonei ad tubeundum seu exsplendum munus beneficiario incumbens cum collatione preventiva ejusdem per obitum vel cessum Coadjuti vacaturi in favorem ecclesiæ & Coadjutoris ex causis utilitatis vel necessitatis ecclesiæ per sumnum Pontificem approbantur. Differentias aliae similares extrinsecâ desumptâ à causis earum sufficientibus ab effectibus, quos parunt diversos à modo procedendi in earum concessione, elucidabuntur in sequentibus.

### Quæst. 309. Coadjutoria num favorabilis, num odiosa sit?

1. **R**esp. Coadjutoria cum futura successione sunt odiosa & exorbitantes. Gonz. ad reg. 8. Cancell. gl. 5. §. 9. n. 74. Remouch. loc. cit. c. 8.

**Q. n. 11.** Pignat. tom. 9. consult. 84. n. 7. Mohed. de privileg. decis. 10. alias 36. ad finem. Tholosan. de benef. c. 30. n. 2. & alii apud Fagn. in e. nulla. de concess. prob. n. 46. Contineat enim gratiam exspectativam seu preventivam (qua si compellantur non tam ex eo, quod per eas preventivam Ordinariorum in collationibus ab ipsi faciendis, quam quod tempus vacationis preventivam. Lotter. de re benefic. l. 2. q. 25. n. 1. & ex eo Remouch. loc. cit. n. 13.) dum per talem Coadjutoriam conceditur impetranti beneficium Coadjutori post illius obitum vacaturum realiter & actualiter subsequendum. Remouch. loc. cit. n. 11. & 12. Lotter. loc. cit. n. 6. Jam vero exspectativa, ut pote occasionem dantes desiderandi mortem Rektoris beneficij, ad quod habet exspectativa, odiosas esse, odiosasque & strictam recipere interpretationem, negari nequit. Lotter. loc. cit. n. 2. cum commun.

2. Nihilominus responsonem nostram ita restringit & mitigat Remouch. loc. cit. n. 14. & seq. inanixus Lotterio loc. cit. à n. 6, dum censet non aliter Coadjutorias has odiosas dicendas, quam si solennitates Concil. Trident. in earum concessione servatae non sint; eo quod, licet Coadjutoria expedita juxta sensum & amissim Trident. non debent continere gratiam preventivam, sit tamen qualificata, longeque diversa ab odiosa illa exspectativa, ex qua nascitur votum captandæ mortis beneficiari, & qua circa illius consensum, citraque ullam Ecclesiæ necessitatem, aut beneficiari favorem conceditur, adeoque non subiciatur amplius odiositas illis istarum exspectatarum regulis. Quinimo tam respectu Papæ concedentis, quam Ecclesiæ Prælatique Coadjutori sint favorabiles; pro quo citat Gonz. ad reg. 8. gl. 5. §. 9. n. 75. Gabr. l. 3. tit. de non tollend. iure quest. n. 6. Pureum decis. 478. l. 2. n. 6. Verum an & quatenus haec restrictione sultineri valeat, patebit ex dictis Quest. seq.

**Quest. 30.** Num omnes Coadjutoriae cum futura successione habeant illam odiositatem, & à jure exorbitantiam: an vero aliquibus, & quibus ius assit?

**R.** Elpond. prind: Coadjutoriae cum futura successione concessæ pro Canonicatibus, aliisque beneficiis inferioribus Cathedralium Collegiarum aliarumque Ecclesiarum sunt omnino exorbitantes tam à jure communī quam à Concil. Trident. Fagn. in e. nulla. de concess. prob. n. 50. Garc. de benef. p. 4. c. 5. n. 12. ubi ait: Coadjutoria cum futura successione non est juri conformis, sed potius à stylo inventa. Namvis n. 19. inclinare videatur in lenitatem oppositam. Cef. sad. decis. 2. n. 2. de restitu. spol. Gamb. tract. de off. & potest. Leg. l. 5. sub titulo de Coadjutoriis. Navar. consul. 2. n. 2. subtit. de Cler. agror. Tholos. loc. cit. dicens detestabiles in jure esse istiusmodi Coadjutorias, & alii apud Fagn. loc. cit. n. 46. qui dum indifferenter loqui videtur de Coadjutoriis omnibus cum futura successione, à fortiore de Coadjutoriis iis, que dantur in inferioribus illis beneficiis, sic tenere censendi sunt. Et sic in specie de iis loquens Remouch. cit. c. 8. n. 18. hisce expressis: in aliis vero beneficiis (intellige inferioribus Episcopatibus & Monasteriis, in quibus eas permittit Trident.) quibusunque Coadjutorias cum futura successione tanquam odiosas, decreta Patrum contrarias & hereditarias expresse pro-

P. Leuren. Vic. Episc. Tratt. II. De Coadjut.

hibet, Thomasius de veteri & nova Ecclesiæ discipl. p. 2. l. 2. c. 59. n. 11. inquiens: Canonis alioquin inferioribus beneficiatis, qui jam adduntur Coadjutores, ii nec usq; in Canonico Decretalium Jure commemorati sunt, nec in Concilio Tridentino attinguntur, nisi ut proscribantur ab universa Ecclesia, &c. Contra Lotter. de re benefic. l. 2. q. 25. à n. 6. conantem Coadjutorias cum futura successione indifferenter à contradictionibus vindicare, ostendendo earum usum esse antiquissimum, & à SS. Canonibus approbatum. Item contra Puteum decis. 478. n. 5. l. 2. dicentem gratiā Coadjutoriae non esse merē preventivam, sed habere fomentū juris propter consensum Coadjutori, nec esse ita odiosam, sicut est gratia merē preventiva. Item contra Mandol. ad reg. 11. q. 5. n. 5. quatenus dicit, usum hujus gratia habere aliquā conformitatem cum Jure Canonico.

2. Proceditq; responsio, tametsi in concessione harum Coadjutoriarum adhibeantur solennitates, ceteraque omnia, qua Trident. adhiberi voluit in concessione Coadjutoriarum in Cathedralibus, & Monasteriis, sive in Episcopatibus, & Praeposituris Regularibus, ut supponere videretur Fagn. præcipue n. 52. in fine, & expressè indicat n. 71. in fine, prout etiā patebit ex dicendis paulo infra.

3. Stabilitur para prima responsonis, nempe illas incognitas, quin & adversari juri communī. Imprimis enim in eo nullibi fit mentio istiusmodi gratiæ in inferioribus beneficiis, dum textus in contrarium adduci soliti v. g. c. periusti. 7. q. 1. & cap. immediatè sequens eadem caus. loquatur de Episcopo. Fagn. loc. cit. n. 51. ubi etiam in fine audacter adverterios provocat hisce expressis: Qui contrarium dicit, adducat textum, alioquin erubescat sine lege loqui. Remouch. c. 3. n. 7. ubi: in veteribus codicibus nullus reperitur textus formalis, ex quo possit irabi institutio Coadjutoria perpetua cum futura successione. Gonz. ad reg. 8. gl. 5. §. 9. n. 46. ubi ex Cassiodor. modus Coadjutoriae cum futura successione non inventatur de jure communi, sed est adinventus de solo stylo. Additique Gonz. ibid. textus in contrarium adductus à Mandolio potius contra illum retorqueri. Dein SS. Canones magnopere abhorrent successiones quasi hereditarias in beneficiis ecclesiasticis; sicutque semper constans Pontificam & Conciliorum intentio impediendi hujusmodi successiones, juxta c. accepimus. de pactis. ubi dicitur id iniquum & SS. Canonibus inimicum, & ideo nullatenus tolerandum; & paulo infra: hujusmodi successiones derelictibiles esse dicuntur. Quin & ipso Concilio Tridentino testis est. 25. c. 7. Jam vero dicta successio quasi hereditaria manifestè reperitur in dictis Coadjutoriis. Fagn. loc. cit. n. 52. Remouch. cit. c. 3. n. 7. & 8. Gamb. loc. cit. n. 13. & seq. ubi: quod tales Coadjutores non sunt Coadjutores, sed heredes, plerumque pueri, qui nedium Coadjutori, sed pædagogo egerent; & quod sub isto colore subintrat fada successio in Ecclesia Dei, adeoque iis resistunt citata jura. Ut & ipsum patere videntur ex eo, quod dum Concil. Tridentino, veluti rationem præmittit loc. cit. hac verba: Cum in beneficiis ecclesiasticis ea, que hereditaria successione imaginem referunt, sacris constitutionibus sint odiosæ & patrum decretis contraria: Dein veluti consequens ex præmissa ratione deductum statuit, ut recessus, accessus & Coadjutoria cum futura successione de cetero nemini permittantur. Fagn. cit. n. 52. Neque satis per hoc excluditur species illa hereditaria successioni, quod in concessione istarum Coadjutoriarum exigantur literæ